

არასამეწარმეო არაკომერციული
იურიდიული პირი
(ააიპ) „ჩერნოვეცკის ფონდი“

ფულადი სახსრების მიღებისა და გახარჯვის ანგარიშგება

2017 წლის 31 დეკემბრით დასრულებული
საანგარიშგებო წლისათვის

ააიპ „ჩერნოვეცკის ფონდი“

ფულადი სახსრების მიღებისა და გახარჯვის ანგარიშგება

2017 წლის 31 დეკემბრით დასრულებული საანგარიშგებო წლისათვის

შინაარსი

დამოუკიდებელი აუდიტორის დასკვნა.....	1
ფულადი სახსრების მიღების და გახარჯვის ანგარიშგება.....	4
ფულადი სახსრების მიღების და გახარჯვის ანგარიშგების განმარტებითი შენიშვნები	5

დამოუკიდებელი აუდიტორის დასკვნა

ააიპ „ჩერნოვეცის ფონდის“ დამფუძნებელსა და ხელმძღვანელობას

მოსაზრება

ჩავატარეთ ააიპ „ჩერნოვეცის ფონდის“ (შემდგომში – „ორგანიზაცია“) ფულადი სახსრების მიღებისა და გახარჯვის ანგარიშგებისა და ფულადი სახსრების მიღებისა და გახარჯვის ანგარიშგების განმარტებითი შენიშვნების (ერთობლივად მოხსენიებულნი, როგორც „ფულადი სახსრების მიღებისა და გახარჯვის ანგარიშგება“) აუდიტი 2017 წლის 31 დეკემბრით დასრულებული წლისთვის.

ჩვენი აზრით, ორგანიზაციის ფულადი სახსრების მიღებისა და გახარჯვის ანგარიშგება 2017 წლის 31 დეკემბრით დასრულებული წლისათვის, ყველა არსებითი ასპექტის გათვალისწინებით, მომზადებულია ფულადი სახსრების მიღებისა და გაცემის ბუღალტრული აღრიცხვის საფუძველზე, რომელიც აღწერილია ფულადი სახსრების მიღებისა და გახარჯვის ანგარიშგების მე-2 შენიშვნაში.

მოსაზრების საფუძველი

აუდიტი წარმართეთ აუდიტის საერთაშორისო სტანდარტების („ასს“) შესაბამისად. პასუხისმგებლობა, რომელსაც აღნიშნული სტანდარტები ჩვენთვის ითვალისწინებს, დაწვრილებითაა აღწერილი ჩვენი დასკვნის ნაწილში სახელწოდებით „აუდიტორის პასუხისმგებლობა ფულადი სახსრების მიღებისა და გახარჯვის ანგარიშგების აუდიტზე“. ჩვენ ვართ ორგანიზაციისგან დამოუკიდებელი ბუღალტერთა ეთიკის საერთაშორისო სტანდარტების საბჭოს „პროფესიონალი ბუღალტრების ეთიკის კოდექსის“ (IESBA კოდექსი) შესაბამისად, და შესრულებული გვაქვს IESBA კოდექსით გათვალისწინებული სხვა ეთიკური ვალდებულებებიც. გვჯერა, ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოსათქმელად საჭირო საფუძვლის შესაქმნელად.

მნიშვნელოვან გარემოებათა ამსახველი აბზაცი – ბუღალტრული აღრიცხვის საფუძველი და მოსაზრების გავრცელების შეზღუდვა

გვინდა, ყურადღება გავამახვილოთ ფულადი სახსრების მიღებისა და გახარჯვის ანგარიშგების მე-2 შენიშვნაზე, სადაც აღწერილია ფულადი სახსრების მიღებისა და გახარჯვის ანგარიშგების მომზადების საფუძველი. ფულადი სახსრების მიღებისა და გახარჯვის ანგარიშგება მომზადებულია ორგანიზაციის მიერ ფულადი სახსრების მიღებისა და გაცემის შესახებ ინფორმაციის დონორებისთვის მიწოდების მიზნით. შესაბამისად, ფულადი სახსრების მიღებისა და გახარჯვის ანგარიშგება შესაძლოა არ იყოს გამოსადეგი სხვა მიზნებისთვის. ჩვენი დასკვნა განკუთვნილია მხოლოდ ორგანიზაციისა და მისი დონორებისთვის. ჩვენი მოსაზრება ამ საკითხთან მიმართებაში მოდიფიცირებული არ არის.

ხელმძღვანელობის პასუხისმგებლობა ფულადი სახსრების მიღებისა და გახარჯვის ანგარიშგებაზე

ხელმძღვანელობა პასუხისმგებელია ფულადი სახსრების მიღებისა და გახარჯვის წინამდებარე ანგარიშგების მომზადებაზე ფულადი სახსრების მიღებისა და გაცემის ბუღალტრული აღრიცხვის საფუძველზე, რომელიც აღწერილია ფულადი სახსრების მიღებისა და გახარჯვის ანგარიშგების მე-2 შენიშვნაში, და ანგარიშგების მომზადების საფუძვლის მისაღებობაზე, ასევე შიდა კონტროლზე, რომელსაც იგი აუცილებლად მიიჩნევს ისეთი ფულადი სახსრების მიღებისა და გახარჯვის ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

აუდიტორის პასუხისმგებლობა ფულადი სახსრების მიღებისა და გახარჯვის ანგარიშგებაზე

ჩვენი მიზანია გონივრული რწმუნების მოპოვება იმაზე, ფულადი სახსრების მიღებისა და გახარჯვის ანგარიშგება მთლიანობაში თავისუფალია თუ არა თაღლითობით ან შეცდომით გამოწვეული არსებითი უზუსტობისგან და აუდიტორის დასკვნის გამოცემა, რომელიც ჩვენს მოსაზრებას შეიცავს. გონივრული რწმუნება არის მაღალი დონის რწმუნება, მაგრამ არა გარანტია იმისა, რომ ასს-ის შესაბამისად ჩატარებული აუდიტი ყოველთვის გამოავლენს არსებით უზუსტობას, ასეთის არსებობის შემთხვევაში. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა მაშინ, თუ არსებობს გონივრული მოლოდინი იმისა, რომ ცალ-ცალკე ან ერთობლივად გავლენას იქონიებენ მომხმარებლების მიერ წინამდებარე ფულადი სახსრების მიღებისა და გახარჯვის ანგარიშგებაზე დაყრდნობით მიღებულ ეკონომიკურ გადაწყვეტილებებზე.

ასს-ის მიხედვით აუდიტის ჩატარების პროცესში ჩვენ მივმართავთ პროფესიულ განსჯას და ვინარჩუნებთ პროფესიულ სკეპტიციზმს. ჩვენ ასევე:

- ▶ გამოვავლენთ და ვაფასებთ ფულადი სახსრების მიღებისა და გახარჯვის ანგარიშგებაში თაღლითობით ან შეცდომით გამოწვეული არსებითი უზუსტობის რისკებს, ვგეგმავთ და ვატარებთ აუდიტორულ პროცედურებს ამ რისკებზე რეაგირების მიზნით და მოვიპოვებთ აუდიტორულ მტკიცებულებას, რომელიც საკმარისი და შესაფერისია აუდიტორული მოსაზრების გამოთქმისთვის საჭირო საფუძვლის შესაქმნელად. არსებითი უზუსტობის რისკი, რომელიც გამოწვეულია თაღლითობით, უფრო მაღალია, ვიდრე რისკი, რომელიც გამოწვეულია შეცდომით, რადგან თაღლითობა შეიძლება მოიცავდეს საიდუმლო მორიგებას, გაყალბებას, ინფორმაციის განზრახ გამოტოვებას, არასწორი ინფორმაციის წარდგენას ან შიდა კონტროლის უგულვებელყოფას.
- ▶ შევისწავლით აუდიტისთვის მნიშვნელოვან შიდა კონტროლს, რათა დავგეგმოთ მოცემული კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ორგანიზაციის შიდა კონტროლის ეფექტიანობაზე.

- ▶ ვაფასებთ ხელმძღვანელობის მიერ გამოყენებული სააღრიცხვო პოლიტიკის, ასევე მნიშვნელოვანი სააღრიცხვო შეფასებების და შესაბამისი განმარტებითი შენიშვნების მართებულობას.
- ▶ მთლიანობაში ვაფასებთ ფულადი სახსრების მიღებისა და გახარჯვის ანგარიშგების წარდგენას, სტრუქტურასა და შინაარსს, განმარტებითი შენიშვნების ჩათვლით, და აგრეთვე იმას, თუ ასახავს ფულადი სახსრების მიღებისა და გახარჯვის ანგარიშგება შესაბამის ოპერაციებსა და მოვლენებს ისე, რომ უზრუნველყოფდეს სამართლიან წარდგენას.

დამფუძნებელს, სხვა საკითხებთან ერთად ვატყობინებთ აუდიტის მასშტაბსა და ვადებს, აგრეთვე აუდიტორული შემოწმების მნიშვნელოვან შედეგებს, მათ შორის შიდა კონტროლის მნიშვნელოვან ნაკლოვანებებს, რომლებსაც აუდიტის პროცესში გამოვავლენთ.



რუსლან ხოროშვილი

შპს „იუაი საქართველოს“ სახელით

თბილისი, საქართველო

2018 წლის 31 აგვისტო

აიპ „ჩერნოვეცკის ფონდი“

ფულადი სახსრების მიღებისა და გახარჯვის ანგარიშგება

2017 წლის 31 დეკემბრით დასრულებული საანგარიშგებო წლისათვის

ლარი	შენიშვნა	2017
ფულადი სახსრებისა და მათი ეკვივალენტების საწყისი ნაშთი		328,517
მიღებული ფულადი სახსრები		
იურიდიული პირების მიერ განხორციელებული შენატანები	3	2,900,920
საქველმოქმედო შემოწირულობები		60,177
ფიზიკური პირების მიერ განხორციელებული პირდაპირი შენატანები		95,545
სულ მიღებული ფულადი სახსრები		3,056,642
გაცემული ფულადი სახსრები		
შინმოვლის პროგრამა	4	928,905
პროგრამა ბავშვთა სახლი თბილისში	5	226,579
პროგრამა ბავშვთა სახლი ქობულეთში	6	290,377
პროგრამა სპეციალური საჭიროებისთვის	7	97,197
დღის ცენტრისა და სასადილოს პროგრამა	8	740,330
ადმინისტრაციული ხარჯები	9	409,881
წინასწარ გაწეული ხარჯები		52,195
სულ გაცემული ფულადი სახსრები		2,745,464
ფულადი სახსრებისა და მათი ეკვივალენტების საბოლოო ნაშთი		639,695

ფულადი სახსრების მიღებისა და გახარჯვის წინამდებარე ანგარიშგება ხელმძღვანელობის მიერ დამტკიცებული და მისი სახელით ხელმოწერილია 2018 წლის 31 აგვისტოს შემდეგი პირების მიერ:

დირექტორი

მთავარი ბუღალტერი

ოლენა პოლიშუკ

ევგენია მელგუნოვა




5-10 გვერდებზე წარმოდგენილი განმარტებითი შენიშვნები წინამდებარე ფულადი სახსრების მიღებისა და გახარჯვის ანგარიშგების განუყოფელი ნაწილია.

აიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი შენიშვნები

2016 წლის 31 დეკემბრით დასრულებული საანგარიშგებო წლისათვის

1. ფაქტობრივი გარემოებები

არასამთავრობო ორგანიზაცია აიპ „ჩერნოვეცკის ფონდი“ („ორგანიზაცია“) 2012 წლის 10 აპრილს დაფუძნდა და დახმარებას უწევს სოციალურად დაუცველ საქართველოს მოქალაქეებს: მრავალშვილიან ოჯახებს, მზრუნველობამოკლებულ ბავშვებს, საწოლს მიჯაჭვულ ხანდაზმულებსა და შეზღუდული შესაძლებლობების მქონე პირებს.

ორგანიზაცია დაფუძნდა 2012 წლის 10 აპრილს, საქართველოს მოქალაქე გიორგი ქვრივიშვილის მიერ, იმ მიზნით, რომ დახმარება გაეწია მრავალშვილიანი ოჯახებისთვის, მზრუნველობამოკლებული ბავშვებისა და საწოლს მიჯაჭვული ხანდაზმულებისთვის. 2017 წლის მარტში ორგანიზაციის დამფუძნებელი გახდა უკრაინის მოქალაქე ოლენა პოლიშუკი. ორგანიზაციის იურიდიული მისამართია: ვაზისუბნის ქუჩა #36, თბილისი, საქართველო.

ორგანიზაცია ფინანსებს მოიზიდავს დონორებისა და ფიზიკური და იურიდიული პირების მიერ განხორციელებული შენატანებით.

2017 წლის განმავლობაში ორგანიზაციის საქმიანობა მოიცავდა შემდეგ მიმართულებებს/პროგრამებს:

- ▶ შინმოვლის პროგრამა – პროგრამის ბენეფიციარებს შორის არიან საწოლს მიჯაჭვული პაციენტები და ადამიანები, რომლებსაც მზრუნველობა სჭირდებათ, ასევე პაციენტები ქრონიკული დაავადებებით (ძირითადად ხანდაზმული პირები) და გამოჯანმრთელების გზაზე მყოფი პაციენტები. კვალიფიციური ექთნები და მათი თანაშემწეები საჭირო სამედიცინო და ფსიქო-სოციალურ დახმარებას უწევენ საწოლს მიჯაჭვულ პაციენტებს მათსავე სახლებში. ორგანიზაცია ყოველდღიურად უზრუნველყოფს მათ საჭირო მედიკამენტებით, საკვებით, ჰიგიენური საშუალებებითა და სახვევებით. ამ პროექტის განხორციელებაში მონაწილეობენ ექიმები, ექთნები, ექთნების თანაშემწეები, რეკრეაციული თერაპევტები და სოციალური მუშაკები. 2017 წელს ორგანიზაცია ზრუნავდა 781 ბენეფიციარზე.
- ▶ პროგრამა ბავშვთა სახლი თბილისში – 2013 წლის 28 მაისს ორგანიზაციამ გახსნა ოჯახური ტიპის ბავშვთა სახლი თბილისში. 2017 წლის განმავლობაში თავშესაფარმა შეიფარა 10 მზრუნველობამოკლებული ბავშვი თბილისიდან და საქართველოს სხვა რეგიონებიდან. ბავშვები მუდმივი მზრუნველობისა და ყურადღების ქვეშ არიან 24 საათის განმავლობაში, რაც მოიცავს მათ განათლებასა და ტანსაცმლით, ფეხსაცმლით თუ სასკოლო ნივთებით სრულად უზრუნველყოფას. ბავშვებს ასევე უტარდებათ ცეკვის, სიმღერის, ტანვარჯიშისა და ხატვის გაკვეთილები.
- ▶ პროგრამა ბავშვთა სახლი ქობულეთში – 2014 წლის 23 ნოემბერს ორგანიზაციამ გახსნა ოჯახური ტიპის ბავშვთა სახლი ქობულეთში (საქართველო), რომელიც გათვლილია 20 ბავშვზე. 2017 წლის განმავლობაში პანსიონი მასპინძლობდა 20 ბავშვს უკიდურესად ღარიბი ოჯახებიდან, საქართველოს სხვადასხვა რეგიონებიდან. ბავშვებზე მუდმივი მზრუნველობისა და ყურადღების ქვეშ არიან 24 საათის განმავლობაში. ბავშვებისთვის საჭირო აღჭურვილობას, ტექნიკებს მათი განათლებისა და განვითარებისთვის ორგანიზაცია თავად მოიპოვებს. ბავშვები სრულად არიან უზრუნველყოფილები ტანსაცმლით, ფეხსაცმლით და სასკოლო ნივთებით. ბავშვები ასევე ესწრებიან ფორტეპიანოს გაკვეთილებს მუსიკალურ სკოლაში.

ააიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი- შენიშვნები (გაგრძელება)

1. ფაქტობრივი გარემოებები (გაგრძელება)

- ▶ პროგრამა სპეციალური საჭიროებისთვის – დახმარება მრავალშვილიანი ოჯახებისთვის – პროგრამის მიზანია, დაეხმაროს მოწყვლად ჯგუფებსა და მრავალშვილიან ოჯახებს. ბენეფიციარების შესახებ ინფორმაცია განთავსებულია ორგანიზაციის ვებ-გვერდზე. ორგანიზაცია ცალ-ცალკე იღებს შემოწირულობებს თითოეული ბენეფიციარისთვის და ეხმარება მათ თავიანთი საჭიროებების დაკმაყოფილებაში. 2017 წლის განმავლობაში ორგანიზაციამ სამედიცინო დახმარება გაუწია, ტანსაცმლით, ჰიგიენის ნივთებით, სპეცილიზირებული აღჭურვილობით, საკვებით, სასკოლო წიგნებითა და სხვა საყოფაცხოვრებო ნივთებით უზრუნველყო 91 ოჯახი.
- ▶ დღის ცენტრისა და სასადილოს პროგრამა – 2017 წელს ორგანიზაციამ ამოქმედდა ახალი სოციალური პროგრამები სოციალურად დაუცველი პირებისთვის. აღნიშნული პროგრამებია: სასადილო, დღის ცენტრი და სოციალური პატრული. სოციალური პატრული არის „ჩერნოვეცკის ფონდის“ („ორგანიზაცია“) სოციალური პროგრამა, რომელიც 2017 წლის ივლისში ამოქმედდა. საკვების განსაზღვრული რაოდენობით დატვირთული ავტომობილები მოძრაობენ თბილისის ტერიტორიაზე და საკვებს ურიგებენ სოციალურად დაუცველ პირებს (შემდგომში – „სოციალურად დაუცველი პირები“). ორგანიზაცია ფლობს სამ ავტომობილს, რომლებიც ყოველდღიურად მიდიან 30 სხვადასხვა ადგილას დღის 10 საათიდან საღამოს 6 საათამდე, ხოლო მომდევნო დღეს სხვა 30 ადგილს სტუმრობენ. ჯამში, სამი ავტომობილი 60 სხვადასხვა ადგილს ფარავს. დღის ცენტრი არის სოციალური პროგრამა, რომელიც 2017 წლის მაისში ამოქმედდა. ქველმოქმედების ფარგლებში გაწეული მომსახურება მოიცავს: კონსულტაციებს ექიმთან, შხაპს, სილამაზის სალონის უფასო მომსახურებასა და ჰუმანიტარულ ტანსაცმელს, ასევე საწყობს, კომპიუტერულ კუთხეს, ბიბლიოთეკასა და კინოს ოთახს. სასადილო 2017 წლის მაისში გაიხსნა და ამ მომსახურებით სარგებლობა ბენეფიციარებს შეუძლიათ ყოველდღე, დღეში ერთხელ.

2. ფულადი სახსრების მიღებისა და გახარჯვის ანგარიშგების მომზადების საფუძველი

ფულადი სახსრების მიღებისა და გახარჯვის ანგარიშგება მომზადებულია ორგანიზაციის მიერ ფულადი სახსრების მიღებისა და გაცემის შესახებ ინფორმაციის დონორებისთვის მიწოდების მიზნით, ფულადი სახსრების მიღებისა და გაცემის ბუღალტრული აღრიცხვის საფუძველზე, რაც საქართველოში ფართოდ დამკვიდრებული ბუღალტრული აღრიცხვის პრინციპებისგან განსხვავებით ბუღალტრული აღრიცხვის სრულყოფილი საფუძველია. ამ საფუძველით შემოსავლის აღიარება ხდება მისი მიღებისას და არა გამომუშავებისას, ხოლო ხარჯებს აღიარებენ მათი გადახდის და არა წარმოშობის მომენტისთვის. იმ ხარჯების შემთხვევაში, რომლებიც კონკრეტულად არ უკავშირდება ორგანიზაციის პროგრამებს, ორგანიზაცია იყენებს თანამშრომლებზე დაფუძნებულ გადანაწილებას პროგრამასა და ადმინისტრაციულ საქმიანობას შორის.

ფინანსური ინფორმაცია წარმოდგენილია ქართული ლარის ვალუტაში, თუ სხვაგვარად არ არის მითითებული.

ააიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი
შენიშვნები (გაგრძელება)

3. იურიდიული პირების მიერ განხორციელებული შენატანები

იურიდიული პირების მიერ განხორციელებული შენატანები ასეთია:

	2017
Serviden Enterprises Limited	2,557,580
თბილისის მერია	255,188
სოციალური მომსახურების სააგენტო	64,132
სხვა იურიდიული პირები	24,020
სულ	2,900,920

4. შინმოვლის პროგრამა

შინმოვლის პროგრამასთან დაკავშირებით გაცემული ფულადი სახსრები ასე გამოიყურება:

	2017
დაქირავებულ მომუშავეთა გასამრჯელოები	524,320
ჰიგიენური საშუალებები	206,532
მედიკამენტები პროგრამის ბენეფიციარებისთვის	148,193
ქირის ხარჯი	20,395
კომუნალური ხარჯები	8,033
დაცვის მომსახურება	592
სხვა	20,840
სულ	928,905

5. თავშესაფრის პროგრამა

თავშესაფრის პროგრამასთან დაკავშირებით გაცემული ფულადი სახსრები ასე გამოიყურება:

	2017
დაქირავებულ მომუშავეთა გასამრჯელოები	78,439
ქირის ხარჯი	69,505
საკვები	24,229
კომუნალური ხარჯები	11,085
ავეჯი	9,485
ტანსაცმელი ბავშვებისთვის	9,270
საკანცელარიო საქონელი	2,169
სამედიცინო ხარჯები	1,654
დაცვის მომსახურება	600
სხვა	20,143
სულ	226,579

აიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი
შენიშვნები (გაგრძელება)

6. ბავშვთა პანსიონის პროგრამა

ბავშვთა პანსიონის პროგრამასთან დაკავშირებით გაცემული ფულადი სახსრები ასე გამოიყურება:

	<u>2017</u>
დაქირავებულ მშმუშავეთა გასამრჯელოები	97,915
საკვები და ჰიგიენური საშუალებები	62,549
ქირის ხარჯი	60,439
ავეჯი	25,468
კომუნალური ხარჯები	24,222
ტანსაცმელი	10,129
სამედიცინო ხარჯები	1,944
საკანცელარიო საქონელი	1,034
სხვა	6,677
სულ	<u><u>290,377</u></u>

7. პროგრამა სპეციალური საჭიროებისთვის

პროგრამასთან დაკავშირებით გაცემული ფულადი სახსრები ასე გამოიყურება:

	<u>2017</u>
დახმარება მრავალშვილიანი ოჯახებისთვის	74,358
პროგრამა სპეციალური საჭიროებისთვის ბენეფიციარების დახმარება	22,839
სულ	<u><u>97,197</u></u>

აიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი
შენიშვნები (გაგრძელება)

8. დღის ცენტრისა და სასადილოს პროგრამა

დღის ცენტრისა და სასადილოს პროგრამასთან დაკავშირებით გაცემული ფულადი სახსრები ასე გამოიყურება:

	2017
სოციალური პატრული	445,666
დაქირავებულ მომუშავეთა გასამრჯელოები	149,506
საკვები	60,003
ქირის ხარჯი	34,464
კომუნალური ხარჯები	28,118
ჰიგიენური საშუალებები	6,869
სასაქონლო-მატერიალური მარაგები	6,293
სამედიცინო ხარჯები	2,334
ბათუმის სასადილოს პროგრამა	1,875
დაცვის მომსახურება	1,777
ტანსაცმელი	1,698
ქუთაისის სასადილოს პროგრამა	1,097
სხვა	630
სულ	740,330

9. ადმინისტრაციული ხარჯები

	2017
დაქირავებულ მომუშავეთა გასამრჯელოები	212,025
ქირის ხარჯი	56,769
აღდგენითი სამუშაოები (შეკეთება)	53,313
პროფესიული მომსახურება	17,178
მარკეტინგის ხარჯები	17,000
ავეჯი და ტექნიკა	14,142
საკანცელარიო საქონელი	9,254
კომუნალური ხარჯები	8,033
ბანკის საკომისიო გადასახადები	1,510
ჰიგიენური საშუალებები	1,304
დაცვის მომსახურება	592
სხვა	18,761
სულ	409,881

2017 წლის განმავლობაში ორგანიზაციამ, ხელფასის სახით, ორგანიზაციის ხელმძღვანელობას გადაუხადა 59,049 ლარი.

2017 წლის 31 დეკემბრის მდგომარეობით ორგანიზაციის თანამშრომელთა რაოდენობა 107 იყო, მათ შორის ადმინისტრაციული ფუნქციების მქონე 13 თანამშრომელი და სპეციალურ პროგრამებზე მომუშავე 94 თანამშრომელი.

აიპ „ჩერნოვეცკის ფონდი“

ფულადი სახსრების მიღების და გახარჯვის ანგარიშგების განმარტებითი შენიშვნები (გაგრძელება)

10. გარიგებები დაკავშირებულ მხარეებთან

ორგანიზაცია ახორციელებს გარიგებებს დაკავშირებულ მხარეებთან ჩვეულებრივი საქმიანობის პირობებში. მხარეები ითვლება დაკავშირებულად, თუ ერთ მხარეს აქვს უნარი, გააკონტროლოს მეორე მხარე ან მნიშვნელოვანი გავლენა მოახდინოს მეორე მხარის ფინანსურ და საოპერაციო გადაწყვეტილებებზე. დაკავშირებული მხარეები არიან ფიზიკური პირები (და მათი უშუალო ოჯახის წევრები) / იურიდიული პირები, რომლებიც კონტროლს ახორციელებენ ან მნიშვნელოვან გავლენას ახდენენ ორგანიზაციაზე.

ორგანიზაციის მთავარი დონორია ლეონიდ ჩერნოვეცკი. 2017 წლის განმავლობაში ორგანიზაციამ საქველმოქმედო შემოწირულობის სახით მიიღო 2,557,580 ლარი „Serviden Enterprises Limited“-ისგან, რომელიც ლეონიდ ჩერნოვეცკის დაკავშირებულ მხარეს წარმოადგენს.